



Indgået

21 NOV. 2016

Uunga
Inatsisartunut ilaasortaq
Laura Táunâjik

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 aqquutigalugu apeqquteqaammut akissuteqaat Inatsisartunut ilaasortaq, Laura Táunâjik Siumut.

14-11-2016
Sagsnr. 2016 - 13655
Akt ID. Nr. 3958975

Apeqqutinut qujanaq.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Apeqqut siulleq.: Bangladeshimi Meeqqat pisinnaatitaaffii pillugit isumaqatigiis-sutaata, Børnekonventionip, aningaasalersorneqarnera qanormita ingerlava?

Akissut:

Bangladesh nunarsuarmi nunat pitsuunersaasut ilagaat. Kalaallit Nunaani nioqqusiaasut nalinganit isertitat, BNPindkomst, ukioq 2015-imi agguaqatigiisillugu innuttaasut ataasiakkaat akornani 312.000 kr.-iuvoq, sanilliutissagaanni kisitsisit pineqartut Bangladesh-imi 7.000 kr. angumangilarlugu.

UNICEF najoqqutaralugu FN-ip meeqqat pisinnaatitaaffii pillugit isumaqatigiissusianik eqquutsitinissat Bangladesh-imit politikikkikut piumassuseqartoqarsimarpasinngilaq imaluunniit eqquutsinnissani suliaassanik kivitsoqarsinnaasimangilaq, soorlutaaq aningaasaqarnikkut akissaatigineqartut iliuuserisassanik pisariaqartunik pilersitsinissat periarfissaqarfigineqarpsinngitsut.

Apeqqutit aappaat: Nunat allat Meeqqat piginnaatitaaffii pillugit isumaqatigiis-sutaanik atsioqataasimaasut qanoq ingerlatsineri Naalakkersuisunit misis-sorneqarsimanerluni?

Akissut:

Kalaallit Nunaani pissutsit Bangladesh-imi imaluunniit nuna siuarsarniagaaq pissutsinut sanilliunneqarsinnaasorinangillat. Nunat siuarsarniakkat FN-ip meeqqat pisinnaatitaaffii pillugit isumaqatigiisutaanik atuuttunngortitsisimasuni misissuinernik sanilliussinissanik ingerlatsinissat tunngavissaqarsorinangilaq.

UNICEF-ip paasinninnera aallaavigalugu nunani siuarsarniakkani nunani allani siuarsarniakkani arlariinni pissutsit assigalugit FN-ip meeqqat piginnaatitaaffiinik isumaqatigiisutaanik aammattaaq Bangladesh eqquutsitinngillaq.

Inatsimmut kiisalu meeqqat pisinnaatitaaffiinik eqquutitsinissani Bangladesh-imi piviusunngortitsiuminaatitsisoqaaq.

FN-ip meeqqat pisinnaatitaaffii pillugit isumaqatigiissutaat Bangladesh-imi ukioq 1990-imi atuutilersinneqarpoq, meeqqalli pisinnaatitaaffii pillugit isumaqatigiissutit Kalaallit Nunaani Inatsisartuni aalajangiinerit aallaavigalugit inatsisitigut atuutinneqalernerit asiginagit Bangladesh-imi inatsisini ilanngullugit suliarineqanngillat tamatumani inatsis-inngortinneqaratik. Nunat ikittuaraannaat kisimik FN-ip meeqqat pisinnaatitaaffii pillugit isumaqatigiissutaat inatsisitigut atuutilersinnikuuvaat tamatumani Norge aammalu Finmarken.

Bangladesh pillugu UNICEF tulluuttunik allagaqarpoq:

"FN-ip meeqqat pisinnaatitaaffii pillugit isumaqatigiissutaat ukioq 1990 Bangladesh-imi atuutilersinneqarpoq, tamatumani naqissuserneqarluni meeqqat inuunissaminut, inuuginnarnissaminut ineriartortinneqarnernissaaminnullu pisinnaatitaaffeqarneri naqissuserneqarluni, aammalu suliniuteqarfigineqarnissat naqissuserneqarlunittaaq. Taamaakkaluortoq isumaqatigiissutit iluini meeqqat pisinnaatitaaffii arlariit ataavartumik unioqqutinneqartarput, inatsisitigut kinguaattooruteqarneq peqqutaalluni, politikkikkut aammalu isumaginninnikkut suliniuteqarnissani pisariaqartinneqartut iliuuseqarnissani amigaatigineqarneri peqqutigalugit. Ataatsimoortumik inatsiseqartoqanngilaq tamatumani meeqqat pisinnaatitaaffiinik atuutitsinissanik toqqammavissaqartoqarani.


Nakuuserfigineqarnissamut atonerlunneqarnissamullu meeqqanik illersuinissani periusissanik pisortatigoortunik ataatsimoorussanik ataqatigissaasoqarnikuunngilaq. Isumaginnittoqarfimmi iliuusissanik periusissanik amigaateqartoqarnera tunngavigalugu politikkikkut anguniakkanik tamakkiisumik atuutitsilernissat pinngitsoortinneqarput. Tamatuma saniatigut politikkikkut anguniakkat amerlaqisut iliuusissatullu pilersaarutigineqartut meeqqanut naapertuutinningsuupput aammalu FN-ip meeqqanut pisinnaatitaaffii pillugit isumaqatigiissutaanut amerlasuutigut kalluisarlutik."

Apeqqutit pingajuat.: Taamaattoqarsimanngippat kissaatigineqarpoq misisuisoqarnissaa, nunatta inisissimanagera taamaaliornikkut nalilersinnaajumallugu.

Akissut:

Siuliani taaneqareersut annerusumik nunani siuarsarniakkani arlariinni FN-ip meeqqat pisinnaatitaaffii pillugit isumaqatigiissutaanik atuuttunngortitsisimasuni misissuinernik ingerlatsinissat pissutsinillu sanilliussinissanut atugassianik suliaqarnissaq tunngavissaqarsorinannngilaq nunani pineqartuni Kalaallit Nunaani pissutsinut sanilliunneqarsinnaasorinannngimmata.

Inussiarnersumik inuulluaqqusillunga
Med venlig hilsen


Sara Olsvig